

BE.308. JUMOLO MA HUPUJI (F=1)

=====

B.E. 308. JUMOLO MA HUPUJI

1. Jumolo ma hupuji Ho, O Tuhan Debatangku
Di ari na imbaru ro Paboa las rohangku
2. Mangaramoti hosangkon Soadadong gogongku
Sonang do au saborngin on Binaen ni panjagamu.
3. Ho do manongos jolma i Dilehon Ho ngolungku
Ho do mangudut hosangki Na borngin i, Tuhanku
4. Hupuji hagogoonMi Dohot haburjuonmu
Dibaen dung sonang borngin i las ma nuaeng rohangku
5. Antong pasonggop ma tu au PasupasuM Tuhanku
Sadari on urupi au Mambaen na pinatikMu.
6. Pangolu au sadari on Ho do pangkirimanku
Padao ma jea i tongtong Sai sesa ma dosangku.
7. Papos rohangku mida Ho Gok holong baen rohangku
Pistar ma au huhut gogo mambaen sibahenonku
8. Sai luluanku na burju Di au harajaonMu
Porman nang tigor situtu Ma baen pangalahongku.
9. Lao mangurupi dongan i Paringgag ma rohangku
Manaek pangabahanna i Las ma disi rohangku.
10. Marroha na bonar ma au Tongtong di adopanMu
Marlasniroha ma au lao Dung ro panjouM Tuhanku.